

佛說梵志頽波羅延問種尊經

東晉沙門竺曇無蘭譯

聞如是一時佛在舍衛國祇樹給孤獨園時有五百比丘俱舍衛城中有婆羅門五百人五百人相將俱出城自至其田廬相與共坐

講議言本初起地上人時皆是我曹婆羅門種第二種者利利第三種者田家第四種者工師我曹種最尊初起地上作人時皆是我曹種初生時從口中出今世人反從下出在天下者我曹種爲最尊我曹種皆是第七梵天子孫佛反言天下一種耳佛皆持我曹種與利利田家工師種等我曹種死皆上梵天佛反持我曹種與凡人等自相與議誰能與佛共講議分別是種者時有一婆羅門有一子年十五六字頽波羅延大聖明工書知方來之事五百婆羅門中無有能與等者皆師事之能說經知天下事頽波羅延人聖身有奇相諸

婆羅門自共議言獨頽波羅延能與佛共談我曹皆不能與佛共談五百人共告頽波羅延言佛以天下人爲一種我曹種與利利田家工師異我曹種從梵天來下生從口出今世人反從下出佛言天下有四種四種皆願頽波羅延自屈俱往與佛共講頽波羅延言佛持正道能答應正道者欲持婆羅門種往不其有持道道正也五百人皆言我曹持頽波羅延作師何爲不往講是四種事如是者再三頽波羅延即起與五百人俱到佛所祇樹阿難白佛有婆羅門子字頽波羅延年十五六所從五百長老婆羅門來在外佛言呼入阿難出請頽波羅延入頽波羅延等五百人皆任不爲佛作禮自說言我有小事欲問佛佛言可坐頽波羅延白佛我欲有所問寧可相答佛言有所疑者便說之頽波羅延言我曹種道說與利利田家工師種異言我曹種是梵天子孫我曹先祖初生時皆從口

出死皆上天佛報言我經不道說異種若婆羅門娶利利女利利女爲生子利利娶田家女田家女爲生子田家娶工師女工師女爲生子工師娶婆羅門女婆羅門女爲生子佛言我經中以施行爲本施行善者最爲大種其天下尊貴者皆施行善得耳不以種得也

我先世無數劫時亦作婆羅門子亦作利利子亦作田家子亦作工師子自致爲王子今身爲佛佛告頽波羅延我問若一事若如事說之佛言若見世間人善家子爲人作奴奴更免爲人作子不頽波羅延白佛言我聞月支國中有是佛言是何等故善家子反作奴奴反爲人作子是奴志意施行善故人用作子子作奴者志意施行惡故自賣爲人作奴耳若曹言人有種如是者人種在何佛言若有婆羅門利利田家工師是四種其爲喜殺喜盜喜姪喜兩舌喜惡口喜妄言喜讒人喜與癡人相隨喜瞋怒喜祠祀作是行者寧墮

地獄中不頽波羅延言婆羅門種說雖有是惡我種最尊是梵天子孫生從口出死皆當上天佛言其有婆羅門利利田家工師種無殺心無盜心無姪心無兩舌心無惡口心無妄言心無喜讒人心無喜隨愚癡心無喜瞋志心祠祀心如是死者不生天上耶頽波羅延言如是皆生天上佛言若說種類者在何所佛言人種類皆從心意識出心意識施行善者生天上人間心意識惡者入蟲獸畜生鬼神地獄道中其有婆羅門利利田家工師種施行惡者同入三惡道中如是者種在何所婆羅門種施行亦有善惡利利種施行亦有善惡田家種施行亦有善惡工師種施行亦有善惡若曹自說言有種如是種爲在何所若婆羅門持意怨是虛空利利田家工師亦怨是虛空不能中傷也用意言等但婆羅門持意自貢高世間耳婆羅門種利利田家工師種入大溪水中各自浴垢墮水中寧能

別知是婆羅門垢利利垢田家垢工師垢不  
頰波羅延言垢在大溪水中當知在何所若  
尚不知人垢反言我種在天上本從口出餘  
人從下出我種人中最尊貴佛告頰波羅延  
若國王聞某國某郡縣某聚有婆羅門及子  
高明有利利及子高明有田家及子高明有  
工師及子高明王即徵召俱為王臣王豈問  
種類耶其高才明達者王即先與好郡國王  
何以不問子種類若曹言有種類者為頰波  
羅延若戒在何所從諸長老坐在長老上是  
五百人何以不責若種類若作師其有婆羅  
門利利田家工師種及餘種寒時俱在大火  
邊火熱不獨至一種所溫熱皆等耳若有大  
船度水婆羅門利利田家工師種俱在一船  
上度船不獨度婆羅門種亦不獨度餘種佛  
問頰波羅延若婆羅門利利田家工師種亦  
餘種子在母腹中時同十月有增減邪頰波  
羅延言皆十月耳無有增減也若曹何以說

言我種梵天子孫生從口出婆羅門種利利  
種田家種工師種亦餘種日月何以不獨照  
若一種何為并照餘種頰波羅延言我種自  
說言勝餘種佛告頰波羅延有驢父馬母馬  
生子名是何等頰波羅延言名驢父亦不字  
為驢母亦不字為驢若何以字為驢我先祖  
呼作驢我隨言驢有馬父驢母驢生子名是  
何等字為驢驢父亦不字為驢驢母亦不字  
為驢驢若何知為驢驢我先祖呼為驢驢因  
隨言驢驢婆羅門娶利利女利利女為生子  
當名為何等當言婆羅門種利利種頰波羅  
延言不知當呼何種佛言若不自知類何以  
名驢驢利利女為婆羅門生子入若門中  
隨若祠祀隨若種類是見然後高明若曹當  
承事當出去我曹當承事婆羅門娶田家女  
田家女為生子子有殺心有盜心有姪心有  
兩舌心有惡口心有妄言心有讒人心有喜  
隨愚癡心有瞋恚心有祠祀心有是行者若

曹與相隨不我曹不與相隨子心意識施行惡我曹當逐出不內我曹群輩中佛言若曹自說是梵天子孫生從口出死當上天若曹但見心意識施行惡便生相逐何為道說種類佛言若有婆羅門種中有不孝父母者喜殺盜行十惡者死當趣何道頽波羅延言心意識施行如是者死當入地獄中佛言若曹言我種本梵天生從口出於人中最尊何為入地獄中佛言天下人無種類無有常高明者心意志善施行好是為尊貴心意施行惡是為下賤頽波羅延自思念我本不欲來眾人共使我來自思惟我本意不得與佛諍我續言佛道正佛言若本時言人當種往今反就我言心意志往頽波羅延自思念佛語遮我前後佛告頽波羅延乃往去時有七婆羅門皆有道日日祠祀於天七婆羅門亦自道說我是梵天子孫我曹生亦從口出凡人從下出我種與凡人異我種死皆當上天佛言

我是時亦作道人字阿洹眾人共呼我道為天道我是時見七婆羅門乃在爛火祠諸婆羅門皆言我曹死當如是火光當上天佛言我見子曹所為我自變身體手持黃金柄幢毛身著白衣從人假車而往至七婆羅門所七婆羅門時經行及子曹見我呼我作婆羅門道從何所來七婆羅門言若是天道路略與我等何以著好衣載車手持黃金幢若從何所生欲至何所從何所來何以來到是間時我不與語子曹見我不語皆瞋既呪我欲令我住死子曹呪我我面更好子曹更復呪我面色復重好七婆羅門大驚言我曹所呪者皆死今我呪之面色復更好更復呼阿洹自思念子欲趣何等道阿洹即答言我道意勝若曹何為怒若曹聞阿洹道天道不子曹言我不聞賢者道人相見當相問何為相瞋阿洹言我聞若曹說天下婆羅門為梵天子孫生從口出人中獨尊用是故來相問若起是



火祠天祠天若法何師道得無復從先祖聞  
七婆羅門言我先祖爲我曹效耳阿洳道人  
言若曹先祖母是婆羅門女他人女言我曹  
不知先祖母利利女田家女工師女我不知  
若先祖母爲婆羅門生若曹愛他人人生若曹  
種類若殊不知先祖何以知先祖從梵天來  
生女人心不可保若曹能知世間人夫婦合  
會云何生子子曹皆言我不知若亦不知先  
祖亦不知人所生何爲向我瞋怒凡人相見  
當先相勞問高下當知人意志乃可怒何爲  
先怒若知子初入腹中時不父有貪姪之態  
母有愛慕之心所當爲作子者三合成子所  
當爲子者誰今溫意得父母乃成爲子子在  
腹中或先世作惡今在腹中或盲或聾或瘓  
或偃或跛或朽父母皆不知之父母懷子在  
腹中尚不能知其子好醜若曹何以知先祖  
是梵天子孫生從口出人中獨尊佛告頽波  
羅延先世時七婆羅門尚能呪殺人是時我

不聽子曹所語亦不錄也今我作佛若復來  
道說我梵天子孫生從口出人中獨尊佛告  
頽波羅延思惟我所語天下生子養者爲父  
母成者師也頽波羅延婆羅門又與五百婆  
羅門及諸婆羅門共思惟我往時尚爲七婆  
羅門作師七婆羅門皆道德人能呪殺人我  
於今分別道說是人有種一爲百百爲千千  
爲万万爲一頽波羅延及諸婆羅門俱前以  
頭面著佛足不審一爲百百爲千千爲万万  
爲一是者何謂佛言是世間人貪樂生死者  
衆多一人生子孫然後更分爲百家百家求  
道一道耳何等爲一道謂無爲道如是者一  
爲千千爲万万頽波羅延前長跪言寧可哀畜  
我曹如哀沙門莫有恨心於我曹所謂歸相  
檢斂佛言善若曹朝來不食皆起以頭面著  
佛足去

佛說梵志頽波羅延問種尊經

若

磧砂大藏經

佛說梵志頹波羅延問種尊經

卅

影印宋元版

賴吒和羅經

吒 竹家竹他 價二反 歐吒 侯上 斂行 上渠 螭動 而上  
 見 故上 一 以著 下 環乞 句 屏處 餅上 音 獰  
 音 軟反 一 騙反 肩 諾反 奴各 禱祀 似下 音 叩頭 口上 音 惡  
 閼 正上 作 樂 珥 璫 下 音 當 反 璋 瑶 步 搖 薛 荔 閉 上 音 箭 箭 上 音 箭  
 姬 反 奸 句 娛 惡 長 跪 下 音 尚 反 相 燒 下 音 遊 反 閉 上 音 箭 箭  
 下 音 居 反 希 反 拘 獵 上 音 俱 下 醯 勒 上 音 呼 盧 監 下 音 力 居 反  
 相 遺 醉 下 音 惟 反 年 耆 夷 反 完 戶 官 踏 盜 音 劇 反 音 逆 徑  
 反 古 定 攻 工 音 希 望 希 七 音 棺 殮 下 音 力 反 陷 侯 感 反  
 善生子經  
 羅 閱 下 音 悅 反 音 瑣 子 敏 恭 肅 下 音 宿 音 希 音 嗜 規 音 伎 倡  
 上 渠 倚 反 音 除 音 惛 亂 昏 上 音 鄙 反 卑 音 荒 正 音 作 毀  
 下 音 昌 反 音 除 音 惛 亂 昏 上 音 鄙 反 卑 音 荒 正 音 作 毀

篋 下 音 莫 孟 士 上 音 正 狎 胡 甲 蓮 反 古 候 在 利 音 伎 奴 定  
 媚 反 音 二 危 殆 下 音 習 迎 璪 然 上 音 七 祭 反 退 退 正 下  
 非 反 音 尾 又 衰 揚 上 音 博 弭 弥 反 切 磋 何 下 音 七 娉 婦 正  
 上 及 反 音 門 塔 上 音 何 訊 訖 音 二 同 遊 遊 高 反 吾 拔 反 蒲 八 虧  
 併 反 音 為 儲 時 里 下 音 直 反  
 佛說數經 彷彿 上 音 步 忙 反 慰 勞 到 下 音 郎 反

減 梯 下 音 及 他 鞞 絆 上 音 居 且 反 蓐 音 辱 音 調 戲 上 音 徒 羸  
 及 力 垂 漑 反 古 愛 蓐 反 音 弊 反 音 毘 諛 反 音 羊 朱  
 頹 頹 於 葛 反 音 巨 虛 音 或 骨 反 兀 反 呼 城 反 柄 反 彼 病 態 反 他 代 反 偃 反 烏 樞 反 跋 反 必 我 字 二  
 梵志頹波羅延問種尊經  
 詞 二 字 音 驪 反 和 驅 驢 二 字 我 字 二

佛說數經

彷彿 上音步忙反 慰勞到下部